

Вольбы
до Народной рады Словенської републіки

Інформації про воліча

I

Датум і час волеб

Вольбы до Народной рады Словенської републіки будуть в
суботу 29. 2. 2020
од 7:00 до 22:00 години.

II

Право волити

Право волити до Народной рады Словенської републіки мають
обчан Словенської републіки, котрый найпізніше в день волеб
досяг 18 років віку і не настав у нього конфлікт з правом волити.

Право волити є в конфлікті зо законным окліщінєм особной
слободы на основі охрани публічного здравя.

III

Право быти воленым

За посланця Народной рады Словенської републіки може быти
зволений обчан Словенської републіки, котрый найпізніше в день
волеб досяг 21 років віку і жыє на теріторії Словенської републіки.

Конфліктом з правом быти воленым є:

- заарештованя,
- правоплатне одсуджіня за напланованый кримінальний чін, помы
одсуджіня не было заглажене,
- однятя способности робити правны діла.

IV

Способ вольбы

Воліч може волити на теріторії Словенської републіки:

- у волебнім раєні, в списку котрого є записаный, або
- в будькотрім волебнім раєні посередництвом легітімації на
голосованя.

Воліч може волити мімо теріторії Словенської републіки
посередництвом пошты, кідь:

- місце ёго стабільного бываня не є на теріторії Словенської
републіки і быв на основі жадости записаный до шпеціального
списку волічів,
- місце ёго стабільного бываня є на теріторії Словенської
републіки а в часі волеб ся стримує мімо ей теріторії і право
волити посередництвом пошты пожадать од села/міста, в котрім
стабільно бывать.

V

Легітімація на голосованя

Воліч, котрый стабільно быває на території Словенської републіки і в день волеб не буде мочи волити в місті свого стабільного биваня у волебнім раєні, де є записаний в списку волічів, може пожадати **од села/міста свого стабільного биваня** легітімацію на голосованя. Село/місто на пожаданя волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на запис до списку волічів у будькотрім волебнім раєні.

Воліч може пожадати легітімацію на голосованя:

особно,

найпізніше в послідній робітний день перед волями (т. є. напізніше 28. 2. 2020) в урядных годинах села.

Село выдає легітімацію на голосованя безодкладно,

у формі листины так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020),

електронічнов поштов (і-мейлом) так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020). Село/місто про такы припады опублікує на своїм вебсайті електронічну адресу на посыланя жадостей. Кідь село/місто не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы факты о волічови:

- мено і призви́ско,
- родне чісло,
- штатне обчанство,
- адреса стабільного биваня (село, уліця, чісло дому),
- адреса, на котру село/місто зажене легітімацію на голосованя.

посередництвом особы, уповномоченой жадателём

мож пожадати легітімацію на голосованя найпізніше послідній день перед днём волеб (т. є. найпізніше 28. 2. 2020)

В жадости мусять быти уведжены такы факты о волічови:

- мено і призви́ско,
- родне чісло,
- штатне обчанство,
- адреса стабільного биваня (село, уліця, чісло дому).

Село/місто зажене легітимацію на голосованя волічови на адресу стабільного биваня, кідь в жадости не уведе іншу корешпонденчну адресу, найпізніше до трёх робітних днів од доручіня жадости. Село зажене легітимацію на голосованя на адресу уведжену в жадости рекомандо-писмом „*До властных рук*“.

Кідь воліч в писомній або електронічній жадости уведе, же легітимацію на голосованя перебере інша особа, мусить в жадости увести ей мено, призвіско і чісло обчаньской легітимації. Тота особа повинна перевзятя легітимації на голосованя потвердити своїм підписом.

VI

Вольба посередництвом пошты

Воліч, котрый має місце стабільного биваня на теріторії Словеньской републікы а в часі волеб є мімо ей теріторії

Воліч, котрый має місце стабільного биваня на теріторії Словеньской републікы а в часі волеб є мімо ей теріторії, може пожадати село свого стабільного биваня волити посередництвом пошты, а то

писомно (формов писма),

жебы жадость волити посередництвом пошты была доручена на адресу села/міста (сільского або містьского уряду) найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часі є неплатна.

електронічно (і-мейлом) так,

жебы жадось волити посередництвом пошты была доручена на електронічну адресу села/міста найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часі є неплатна.

В жадости волити посередництвом пошты мусять быти уведжены такы факты о волічови:

- мено і призвіско,
- родне чісло,
- адреса стабільного биваня,
- адреса міста биваня в заграничу.

Кідь жадость обягує вшытко, што становлює закон, село/місто зажене найпізніше 35 днів перед днём волеб волічови, котрый пожадав волити посереднитвом пошты, на адресу міста биваня в заграничу:

- копертку з уряднов печатков села/міста,
- листы на голосованя,
- корешпонденчну копертку (означену геслом: „VOLBA POŠTOU - ELECTION BY MAIL“ з выписанов адресов села як адресата і з адресов воліча як одосылателя,
- поучіня о способі голосованя.

Позад акту голосованя (подля поучіня о способі голосованя) вложить воліч лист на голосованя до копертки з уряднов печатков села і заліпить ей. Заліплєну копертку вложить до корешпонденчнї копертки, котру зажене назад. Поштовне заплатить одосылатель.

До выслідку голосованя ся зарахують голоса на листах голосованя, котры были доручены селу стабільного бываня воліча найпізніше в послідній робітний день перед днєм волеб (т. є. найпізніше 28. 2. 2020).

Далшы інформації о вольбах до Народной рады Словенської републіки ся находят на вебсайті

www.minv.sk/?volby-nrsr